



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱԿԱԿՈՌՈՒՊՑԻՈՆ ԴԱՏԱՐԱՆ Ո Ր Ո Շ ՈՒ Մ

Հայցադիմումը վարույթ ընդունելու մասին

«22» մարտի 2024թ.

ք. Երևան

ՀՀ հակակոռուպցիոն դատարանի դատավոր Կ.Բադալյանս՝ ծանոթանալով ՀՀ գլխավոր դատախազության կողմից ներկայացված հայցադիմումին և կից փաստաթղթերին.

Պ Ա Ր Զ Ե Ց Ի

ՀՀ գլխավոր դատախազությունը 20/03/2024 թվականին փոստային ծառայությանը հանձնելու միջոցով հայցադիմում է ներկայացրել ՀՀ հակակոռուպցիոն դատարան ընդդեմ Երևան համայնքի, Նելլի Մայսերի Խաչատյանի, Երրորդ անձինք՝ ՀՀ կադաստրի կոմիտեի, Աստղիկ Գրիգորի Ալեքսանյանի, Սերգեյ Գարիկի Գևորգյանի, «Հայբիզնեսբանկ» ՓԲ ընկերության իրավահաջորդ ԱՄԻՕ բանկ ՓԲԸ-ի՝ գործարքն անվավեր ճանաչելու և անվավերության հետևանքներ կիրառելու պահանջի մասին:

Հայցադիմումը կից փաստաթղթերով դատավորի աշխատակազմին է հանձնվել 21/03/2024 թվականին:

Ուսումնասիրելով հայցադիմումը և կից փաստաթղթերը՝ Դատարանը գտնում է, որ հայցադիմումը ներկայացվել է ՀՀ քաղաքացիական դատավարության օրենսգրքի (այսուհետ նաև՝ «Օրենսգիրք») 121-րդ, 122-րդ հոդվածների պահանջների պահպանմամբ, առկա չեն Օրենսգրքի 126 և 127-րդ հոդվածներով նախատեսված՝ հայցադիմումի ընդունումը մերժելու կամ այն վերադարձնելու հիմքեր, հետևաբար հայցադիմումը ենթակա է վարույթ ընդունելու:

«Հայաստանի Հանրապետության դատական օրենսգիրք» սահմանադրական օրենքի 24-րդ հոդվածի 3-րդ մասի համաձայն՝ Հակակոռուպցիոն դատարանին են ենթակա նաև դատախազի կողմից հարուցված՝ քաղաքացիական դատավարության կարգով պետության գույքային և ոչ գույքային շահերի պաշտպանության հայցերով հարուցված քաղաքացիական գործերը:

Տվյալ դեպքում՝ հայցադիմումը ներկայացվել է դատախազության կողմից և ուղղված է պետության գույքային և ոչ գույքային շահերի պաշտպանության, հետևաբար «Հայաստանի Հանրապետության դատական օրենսգիրք» սահմանադրական օրենքի 24-րդ հոդվածի 3-րդ մասի ուժով հայցը ենթակա է քննության ՀՀ հակակոռուպցիոն դատարանում:


Օրենսգրքի 124-րդ հոդվածի 1-ին մասի 1-ին կետի համաձայն՝ հայցադիմումը ներկայացվելուց հետո՝ յոթնօրյա ժամկետում դատարանը կայացնում է որոշում հայցադիմումը վարույթ ընդունելու մասին: Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 124, 125, 199-200-րդ հոդվածներով.

Ո Ր Ո Շ Ե Ց Ի

ՀՀ գլխավոր դատախազության հայցադիմումն ընդդեմ Երևան համայնքի, Նելլի Մայսերի Խաչատյանի, Երրորդ անձինք՝ ՀՀ կադաստրի կոմիտեի, Աստղիկ Գրիգորի Ալեքսանյանի, Սերգեյ Գարիկի Գևորգյանի, «Հայբիզնեսբանկ» ՓԲ ընկերության իրավահաջորդ ԱՄԻՕ բանկ ՓԲԸ-ի՝ գործարքն անվավեր ճանաչելու և անվավերության հետևանքներ կիրառելու պահանջի մասին, ընդունել վարույթ:

Որոշումն ուժի մեջ է կայացման պահից և ենթակա չէ բողոքարկման:

ԴԱՏԱՎՈՐ



Կ. ԲԱԴԱԼՅԱՆ